

**«Вето құқығы: Қазақстандық тәжірибе және шетелдік дағды» атты
тақырыптағы философия докторы (phd) дәрежесін алу үшін
дайындалған Бискультанова Альбина Маулетказыевнаың
диссертациясына берілген**

ПІКІР

Тәуелсіз Қазақстанның конституциялық құқықтық дамуында әлі де болса, жүйелі түрде өз шешімін таба қоймаған өзекті мәселелер баршылық. Солардың қатарында, мемлекеттік билік органдарының арасындағы құқықтық қатынастарды белгілі бір тиімді жүйеге келтіру болып табылады. Қазақстан Республикасында Президент пен Парламенттің ортасындағы құқықтық қарым-қатынастарда қазіргі таңда жаңа негіздерге сүйеніп жүзеге асуға бағыт алуда. Бұл аталған мемлекеттік органдардың өзара қатынастарын тепе-теңдікпен теңгермешілік қағидасы негізінде қайта қарауды талап етеді. Қазақстан Республикасы Президентінің Парламентке, оның ішінде, оның заң шығару процесіне ықпал етуші механизмдерінің бірі, «Вето құқығы» болып табылады. Вето құқығы ежелгі Римнен осы күнгі дамыған елдердің тәжірибесіне түрленіп, толығын жетіп отырған құқықтық институттың бірі.

Отандық заң ғылымында, осы уақытқа дейін вето құқығын арнайы кешенді тұрғыда зерттеген жұмыстар жоқ. Осы тұрғыдан алып қарағанда, докторанттың ұсынып отырған жұмысы өте өзекті және дер кезінде туып отырған зерттеу жұмысы болып табылады.

Диссертациялық жұмыс ғылыми негізді үлкен үш бөлімді қамтиды.

Диссертациялық жұмыстың бірінші бөлімі: «Вето құқығы институтының пайда болуы және қалыптасуы», - деп аталады. Бұл бөлімде: вето құқығының тарихи-құқықтық эволюциясы, вето құқығының қазіргі таңда саяси-құқықтық институт ретіндегі түсінігі және ерекшеліктері, вето құқығының негізгі түрлері қарастырылады.

Екінші бөлім: «Вето құқығының Қазақстанда қолданылу тәжірибесі», - деп алынған. Аталған бөлімде, Қазақстан Республикасы президентінің вето құқығы, вето құқығын қолданудың құқықтық процедурасы, вето құқығын еңсерудің құқықтық тетігі деп үш тараушаға бөлініп, әрқайсысы жеке-жеке талданып, кеңінен ашылып тарқатылған.


«Вето құқығын қолданудың шетелдік тәжірибесі және халықаралық стандарттары», - деп аталатын үшінші бөлім, мынадай төрт бөлімшеге бөлінген: ТМД мемлекеттеріндегі вето құқығын қолданудың тәжірибесі, Еуропалық Одақтағы вето құқығын қолданудың тәжірибесі, вето құқығын АҚШ пен Латын Америкасында қолданудың құқықтық негіздері, вето құқығы халықаралық-құқықтық институт ретінде талданған.

Диссертациялық жұмыста, докторант Қазақстандық белгілі ғалымдардың тақырыпқа қатысты еңбектерін сарпа пайдаланған. Вето құқығымен айналысушы шетелдік ғалымдардың, оның ішінде ресейлік

ғалымдардың еңбектері де кеңінен қарастырылған. Вето құқығының зерттелу деңгейіне келетін болсақ, veto құқығын ресейлік ғалымдар кеңінен зерттегені көрініп отыр. Сондықтан да, жұмыста бұл мәселедегі Ресей ғалымдарының еңбектеріне ерекше мән берілген.

Сөз соңында айтарым, «Вето құқығы: қазақстандық тәжірибе және шетелдік дағды» атты тақырыптағы философия докторы (phd) дәрежесін алу үшін дайындалған Бискультапова Альбина Маулетказыевнаның диссертациялық жұмысы ғылыми жұмыстарға қойылатын барлық талаптарға сәйкес келеді және ашық қорғауға, шығаруға толық тұратын зерттеу жұмысы болып табылады.

Пікір берген ғылыми кеңесшісі:
Әл-Фараби атындағы ҚазҰЗУ-дің
мемлекет және құқық теориясы мен тарихы,
конституциялық және әкімшілік құқық
кафедрасының доценті, з.ғ.к.,



Ахатов У.А.

РАСТАВЕРЖА
Әл-Фараби атындағы ҚазҰЗУ Ғылыми кадрларды
даярлау және аттестаттау басқармасының басшысы

ЗАВЕРЯЮ

Начальник управления подготовки и аттестации
научных кадров КазНУ им. аль-Фараби

Р.Е. Кудайбергенова

« _____ » _____ 20__

